

Yungzsuij: Minzsuz Fungcingz Daeg-saek Yinx Bouxhek Daeuj Yawj

融水：特色民俗引客来

2 nyied 6 hauh, Yungzsuij Myauzcuz Swciyen Anhcuiz Yangh Gizman Myauzcaiz, daeg “Mangzhauh” ndeu hawj boux dahnuengx Myauzcuz ndeu cat naj soengq fuk, nauhyied dangqmaz. Youq gyang ndwencieng, yienh Yungzsuij ranz Myauz mbanj Dung gawjhengz gak cungj conzdungj minzsuz daeksak hozdung, lumj Mangzhauh soengq fuk, duzbit nauh cin, gyaep fangz gouz fuk, boq venz diuq foux caijdangz, guhdoengz, max doxdik daengj. Gij minzsuz hozdung ndeiyawj neix gonqlaeng yinx cib lai fanh boux hek daeuj yawjngonz, daihgya youq hozdung ndawde angq hoh ndwencieng.

(Lungz Linzci/龙林智)

► Max doxdik doxdax haena dangfamaz.



▲ Gyoengq sau Myauzcuz diuq fouxvenz caijdangz.



▲ Gyoengq bouxyouz yawjngonz beixnuengx Myauzcuz boq venz diuq foux caijdangz.

Lungzswng: Beixnuengx Dungcuz Angq Hoh Ciet “Laeuzgyong Vwnzva”

龙胜：侗族同胞欢庆“鼓楼文化节”



2 nyied 5 hauh, dwg ndwencieng coloeg, Lungzswng Gak Cuz Swciyen Bingzdwngj Cin Mbanjvanginanz gawjbanh Mbanj Dungcuz ciet “Laeuzgyong Vwnzva”, 5000 lai boux beixnuengx Dungcuz, bouboux daenj buhmoq, doxcomz youq baihnaj aen laeuzgyong, diuq foux lungzhaz, nauh vaizcin, ciengq Godungcuz, angq hoh ngoenzciet. Gyoengqde lij baij daizlaeuj “haeux bak ranz”, angqcoux gak dieg baengzyoux. Ciet “laeuzgyong vwnzva” gaenq banh le 8 gaiq, dwg aen ciet baijyienj yenzswngdai minzcuz daegsaek Lungzswng hawj baihrog yawj ndeu.

(Lungz Cwng/龙政)

Mungzsanh: Ganbu Ginzung Nyaengq Ndaem Faex

蒙山：节后干部群众植树忙

2 nyied 7 hauh, gvaq cieng le hwnjban ngoenz daih’it, gyoengq ganbu ginzung Mungzsanh Yen couh bae ndaw yienh Sihhoz Cin Mbanjdoengzyouz guh yiyu ndaem faex. Ngoenzde, ndaw yienh aeu “ndaem faex lai ndaem faex ndei” guh cawjdaez hozdung, gungh ndaem le 300 lai go faexgveiqva caeuq faexraeu, hawj bo ndoq baq fwz dangdieg dem heu dem loeg, doidoengh aen hozdung “Gvangjsih Gyaoundei • Cinghseuq Lajmbanj” gaihcanj ndaej engqgya ndei.

(Gvanh Sinh Cinz Yuzcingh/关新覃旭青)



Lingzyinz Gawjbanh Hoihfwen Bouxcuengh

凌云举办壮族山歌会

Lingzyinz Yen vihliux hungzyangz minzcuz vwnzva conzdungj Bouxcuengh, 2 nyied 6 hauh, youq ndaw yienh gawjbanh aen hoihfwen Bouxcuengh ndeu, miz 20 boux canghfwen Bouxcuengh daeuj camgya hoihfwen, gyoengq canghfwen dwg daj Yougyangh Gih, Lozyez Yen caeuq Lingzyinz bonj yienh daeuj, bouboux aeu sing fwen ndeidingq haenx daeuj danqhaenh dangj, danqhaenh gwndaenj ndei ngoenzneix.

(Loz Hihhaij/罗希海)

